

Title: La Conquista 1972R

Speaker: Cipriano Gómez Yermo

Language: Guazacapán

Collector: TK

Date Recorded: 15 Aug 1972

Date Transcribed: ?

Date Typed: 08/14/2006

Typed By: ER

< text >

na ʔmuʔistorya (1) na huurak ʔey Monteksuumu.

nahaʔ nah nar'uh,

pero Tekwaani k'ur'uy'ey,

porke hin humuk'eyʔ,

šiiriʔ ʔde (2) nah.

mas waak'aʔ de nahaʔ,

porke na ʔuuliili ʔespanyóoles (3). ʔuk'ey ganar hinaʔ gẽra,

porke nahaʔ hin naʔ ? aʔukaʔ kawayu,

ni pir'ik pari,

pwes porke hin naʔ šan ʔkomunikasyon (4) hinaʔ ʔuuliili.

ʔentonse na ʔuuliili ʔespanyóoles (3) turey kawayu,

ʔi šaawuʔ naʔ ʔaʔ kawayu ʔik'aʔ,

ʔi turey na pir'ik pari šan šeekeh kawayu.

ʔi komo nah nahaʔ šan depet hinaʔ uukaʔ,

ʔentonse na weena ʔakuʔa ʔənd'əy,

piriy ke šaawuʔ ʔna (5) ʔik'aʔ huurak ʔaʔ kawayu,

ʔi par'ah ʔakuh na. ʔotro huurak

PERO ERA EL MISMO EL QUE IBA A DAR COMO ALLÍ

ME VOY A PARAR YO, MIRO QUE AHÍ ESTOY YO. Y ES

MI SOMBRA. Y ASI FUE ESE.

ʔentonse ʔakuʔa ʔimey na ʔey ke

k eplekih naʔ ʔakuh,

porke ʔakuhʔ peʔ hinaʔ k'aʔ ʔanimal'iili

ke hin hənəy han šah,

ʔik'aʔ par'ah ʔi ʔotro šaawuʔ ʔali.

ʔentonse, porke nah šáltepet,

ʔuukaʔ naʔ ʔmuy muy ʔriiku (6) nah ʔind'yuuli,

porke hooroy naŋ pəəšək ʔooro, pəəšək plaata,
ʔentonse náh kumu ɕʔuuliɪ ɾʔespanyoóles (3)
ʔukʼey ganar,
porke ʔišpaʔ kur'uh na ʔindʔyuuli,
ʔišpaʔ kur'uh.
tuupaʔ tumukiʔ.
ʔentonse ɕʔuuliɪ ʔormoy tumukiʔ,
turey⁺ ša nar'uh.
turey ša nar'uh.
man ʔaŋi riiku na ɾʔespanyooles (3),
porke tumuy ʔorom'o han naŋ hoor'oy ʔindʔyuuli.

</text>

< notes >

1. muʔistorya- <tk> {ʔistorya de/muʔistorya} </tk>
2. de- <tk> ? </tk>
3. ʔespanyóoles- <tk> this word has a box drawn around it </tk>
4. komunikasion- <tk> this word has a box drawn around it </tk>
5. na- <tk> {na/naŋ} </tk>
6. muy muy riiku- <er> this is underlined </er>

</notes>